



Partido Union Patriotico Progresista - e-mail: upp.unista@gmail.com

Gobierno di Aruba
Na atencion di Su Excelencia Prome Minister
Sra. mr. Evelyn C. Wever-Croes
Bestuurskantoor
e-mail: evelyna.croes@gobierno.aw

Aruba, 4 november 2020

Su Excelencia,
Partido Union Patriotico Progresista (UPP) a tuma nota di acontecimentonan den Parlamento, cu den nos concepto ta encera un atropeso flagrante di nos Constitucion y e RvO di Parlamento. Pa colmo tambe e actonan fraudulentamente y di corrupcion den Parlamento por a conta cu apoyo di bo persona ora a declara publicamente cu ta para 100% tras di e actonan aki, y hasta cu no ta importante si e mocion di desconfianza ta legal of ilegal.

UPP a manda varios carta al respecto pa varios instancia pa muestra nos preocupacion y nos indignacion pa e actonan aki cu ta bay no solamente totalmente contra nos leyman, reglanan y custumbenan, pero mas tristo contra tur norma di fatsoen y di integridad!

UPP ta na altura cu su persona ta concededor di e grabacionnan haci di e reunion publico di 15 di october 2020. For di e imagennan por saca afo cu e presidente deliberadamente a actua contra reglanan vigente y a permiti pa actonan di fraude y corrupcion tuma lugar. A sabiendas di esaki a bira cara pa esaki y a bay over na insinua cu lo tin un "onwerkbaar situatie". A usa esaki como pretexto pa manda Gobernador un carta cu e peticion pa duna e minister su retiro.

UPP ta di opinion cu ta prefera di usa un triki enbes di condena e actonan bochornoso di fraude y corrupcion. Den e diferente cartanan nos ta ilustra e motibonan pakico nos tin e pensamiento aki y nos ta lamenta cu bo persona ta apoya y sostiene tipo di actonan asina. Actonan similar den cualkier sistema democratico ta motibonan pa of baha gobierno y/o disolve Parlamento y asina duna pueblo pa duna pueblo e oportunidad di expresa su mes.

Mirando loke ta bin ta pasando ultimo tempo y alabes scuchando opinion di pueblo, e coalicion actual no tin e legitimidad pa sigui goberna nos pais. Ta hopi cla cu e gobierno ta wordo dirigi pa podernan ahenos y pa sirbi otro interesnan cu en todo caso no ta esun di e pueblo Arubano. Y e maneho ta basa riba e pensamiento di: "cani mi pami, pami cani bo"!

Progreso pa Aruba!

Rose Willemss

RECEIVED NOV 05 2020

Bo persona mester ta di acuerdo cu UPP, cu tipo di actonan di Parlamento ta crea un "ONWERKBARE SITUATIE" real y no uno inventa pa purba di stroba un Minister cu a denuncia corrupcion. Awor pa colmo den pura kier firma un acuerdo cu condicionnan indecente na unda lo manca nos autonomia cu nos a logra cu hopi sudor y te hasta sanger. Manera ya menciona e gabinete POREDmep no tin e legitimidad pa firma e acuerdo traicionero y strangulante aki.

Pesey ta bay un suplica na bo persona, pa conforme Capitulo III articulo 14 di nos Constitucion, pa riba termino disolve Parlamento pa asina eleccion por tuma lugar riba 24 di September 2021, y na mesun momento tuma retiro como gobierno y na lugar di e gabinete actual, institui un gabinete A-politico, cu lo mester carga sosten amplio di Parlamento, cu lo mester percursa pa mara mannan di e politico y prepara eleccion cu lo tin di tuma lugar riba 24 di September. Mientrastanto cu e gobierno temporal aki ta percursa pa un dialogo nacional real y asina nos yega na un Compromiso Nacional riba e Aruba nobo cu mester wordo construi.

Ta inaceptabel pa bay di acuerdo cu e condicionnan indecente Hulandes unda Aruba lo wordo "verkracht" y pa colmo via 2 consensus rijks wetten cu ta haci cu esaki lo bira un "Consentuele Verkrachting"! Un desaroyo cu lo haci nos posicion estatal bay atras, comparabel cu e situacion prome cu aña 1950. Sin papia di nos posicion "volkenrechtelijk" cu lo hasi cu un otro gobierno di un otro signatura lo encontra hopi problema pa denuncia Hulanda pa actua contra e Derecho Inalienabel di Autodeterminacion!

Sperando cu su persona, si tin un tiki stimacion pa e pida baranca aki, bay Gobernador en todo caso prome cu firma e acuerdo TRAICIONERO y STRANGULANTE contra di e pueblo Arubano .

Atentamente,


drs. Candelario A.S.D. Wever.

Brasil 163
(thuis) 584-2892
(mobiel) 593-2287

Progreso pa Aruba!

